

Pinerluuteqarsimasunik Isumaginnittoqarfiup paaqqinniffiini assiliisarneq pussunnillu ipaasiuisarneq pillugu nalunaarut (assiliisarnermik pussunnillu ipaasiuisarnermik nalunaarut)

Kalaallit Nunaanni pinerluttulerinerimi inatsimmi § 221, imm. 6, aamma § 226, nr. 5 naapertorlugit, tak. inatsit nr. 306, 30. april 2008-meersoq, aalajangersarneqarpoq:

§ 1. Paaqqinniffik parnaarussamik assiliisinnaatitaavoq aamma pussunnik ipaasiuisinnaatitaavoq.
Imm. 2. § 4 pinerluuteqarsimasunik isumaginnittoqarfiup pensioniutaani atuutissanngilaq.

§ 2. Paaqqinniffiup qulakkiissavaa parnaarussap, inissiisarfimmiittussanngortitsilluni eqqartuussummik atuisup, assinganik assingulluartumik peqartoqarnissaq,

- 1) tamanna pisariaqaraangat kingusinnerusukkut kinaassusersiinissaq siunertaralugu, soorlu pineqartup isikkuata assut allannguuteqarsimanera pissutigalugu, imaluunniit
- 2) pineqartoq ukiuni pingasuni parnaarussaaqqasimappat, tamatumalu kingorna ukiut pingasukkaarlugit.

§ 3. Pineqaatissiisummik atuiartorluni takkunermi kinaassusersiinissaq siunertaralugu tamanna pisariaqarpat, politiit suleqatigalugit pussuit ipaasiuisoqarsinnaavoq, politiit eqqartuussap pussuisa ipaasiugarisimasinnaasaannut sanilliussinissaq siunertaralugu.

Imm. 2. Pussuit ipaasiukkat suujunnaarsinneqassapput, inissiinermut atatillugu kinaassusersiineramik apeqqutip suliarineqarnera naammassippat.

§ 4. Parnaarussaq § 2 malillugu assilisikkumannikkuni imaluunniit § 3 malillugu pussumminik ipaasiutitsiumannikkuni najoqqutassanik unioqqutitsinermut pineqaatissinneqarsinnaavoq.

§ 5. Nalunaarut atuutilersinneqarpoq ulloq 1. januar 2010.

Kalaallit Nunaanni Pinerluuteqarsimasunik Isumaginnittoqarfik, ulloq 7. december 2009

Thomas Nicolajsen